

善爲士者不武善戰者不怒善勝者不爭善用人者爲下是謂
不爭之德是謂用人之力是謂配天古之極

善爲士者文修武備息兵業農保境安民而已不尙征伐不
任勢力故曰不武也善戰者削平定亂誅暴禦寇而已戰固
因怒而起以事之當怒不得已而後應然非出於情意之私
怒而殺人故曰善戰者不怒也善勝人者安靜無事常懷不
戰之心固守封疆雖有強暴莫能與我敵故曰善勝人者不
爭也善用人者忘其自大之心振謙光之德而人悅從其必
樂爲我用故曰善用人者爲下也善於不爭故人感其德善
於謙下故人效其力斯聖人以德服人而人亦誠服之如是

道藏輯要

道德下經釋辭

奎

心集九
六六

則可以配天古以道化民之意然非天下後世之所能及也
用兵有言章第六十九

用兵有言吾不敢爲主而爲客不敢進寸而退尺是謂行無行
攘無臂仍無敵執無兵禍莫大於輕敵敵幾喪吾寶故抗兵相
加哀者眾矣

用兵有言言兵家有此言也啓釁起兵謂之主以兵應敵謂
之客不敢爲主者言其不敢妄動干戈殘害生民也而爲客
者迫而後起不得已以兵應敵也不敢寸進者恐其輕敵而
殺傷也而退尺者速退不戰以保全也二者皆仁慈不忍之
心不樂用兵之意吁有國者若無輕敵妄動之心常存不戰

保全之念雖在軍旅之中如無行陣之可行無臂之可攘無敵之可迎無兵之可執以其無戰之謂也若輕敵者必致於殺人則仁慈不忍人之心又安在哉是喪吾家之寶而禍莫大也噫抗兵相加未有不殺人之多哀哉傷其死之眾也

吾言甚易知章第七十

吾言甚易知甚易行天下莫能知莫能行言有宗事有君夫惟無知是以不我知知我者希則我者貴是以聖人被褐懷玉聖人之道至簡至易盡性則明非智力所能知也逍遙坦平豈是難行非捷足所能到也人之所以莫能知者物欲惑之也人之所以莫能行者思慮隔之也百家之言不可勝窮也

道藏輯要

道德下經釋辭

畜

心集九

芟繁削冗以求其要得理斯言可忘知其無言乃爲至簡得其宗也天下之事不可勝數也解紛去煩以求其當至當理自歸一知其理一乃爲至易得其君也宗也君也吾心之主宰本然之妙所謂性也性本寂然本無知也而無所不知本無爲也而無所不爲性心之妙有如此者是以聖人知本無知故終日如愚故曰夫惟無知是以不我知也其未發也寂然中主無識無知此聖人之本而人鮮知之故曰知我者希也及其感物而動應變無方發必中節慮必中理無所往而不利聖人之用也人能體而行之超凡入聖故曰則我者貴也聖人內懷至美容貌若愚全諸內而忘諸外如蚌內藏珠